

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

فکرانیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجارت و حقوق

سلانیک ولایتی مرکز بدایت محکمه سی سر
مستنطقلکنه عثمانیه قضاسی بدایت محکمه سی جزا
دائره سی رئیس عده خالص افندی
مناسر ولایتی مرکز بدایت محکمه سی سر
مستنطقلکنه صاری شعبان قضاسی بدایت محکمه سی
جزا دائره سی رئیس سابق صالح افندی
قوصوه ولایتی مرکز بدایت محکمه سی سر
مستنطقلکنه ولایت مذکوره استیناف محکمه سی
جزا دائره سی باش کابی شکری افندی تعیین
اولنش ومومی الهم ذاتاً مخلف بولنشدر.

تبلیغات

حبس جزاسیله محکوم اولوبده وفات ایدنلرک
ورنه سندن مصارف محاکمه تک تحصیلی عدلیه نظارت
جلیله سنک ۱۰ مایس سنه ۳۰۶ تاریخی تبلیغات
عمومیه سی جمله مندرجاندن بولنش و اخیراً جریده
محاکم عدلیه ایله نشر اولنان انجمن عدلیه قرارنده
ایسه ورته نک مصارف محاکمه ایله مؤاخذه اولنه میه جنی
کوسترلش اولدیغندن بخله استفسار معاملیه متضمن
دیاربکر ومعموره العزیز ولایتلری عدلیه مفتشکلکندن
وارد اولان شقه ایله محاسبه درکناری اوزرینه ایجابی
لدی المذاکره تفصیلاتی انجمن مذکورک ۷ کانون نانی
سنه ۳۱۹ تاریخی مذکوره سی مآلندن مستبان اوله جنی
اوزره محکوم علیه ورته سندن استیفا اولنه میه جنی در میان
ایدیلان مصارف محاکمه نک تعلق ایلدیکی خصوصک
ایجاب قانونیسنه توفیقاً ویرلش برقرار اولوب چونکه
خصوص مذکور حقنده کی اعلام غیابنک معامله
تبلیغیه سی ایضا و اعتراض مدتنک مروریله ویاخود
رد اعتراض ایله حقوق عمومیه دعواسی درجه اولاده
نتیجه پذیر اولمق سزین محکوم علیک وفاتی وقوعبولدینی
ومواد جزائیه ده مصارف محاکمه غیابیه نک هر حاله

محکوم علیه اولان کیسه نک عهده سنده قاله جفته دائر
اصول محاکمات جزائیه قانوننده برصراحت اولیوب
بالعکس قانون مزبورک یوز یتش برنجی ماده سی
منطوقجه اعلام غیابی مصارفیله اعتراض مصرفک
معتضیه تحمیلی محکمه نک تقدیراتنه تابع اوله رق
بویولده برحکم دخی موجود اولمدینی جهته اعلام
مذکور مصارفندن طولانی ورته نک مؤاخذه سی ایجاب
ایتمه چکی کوسترلش اولسنه نظراً مذکوره مزبوره
مندرجاتک صورت عمومیه ده مدار تطبیق اوله میه جنی
درکار بولنش و بناء علیه بوکمی مصارف محاکمه نک
امر تحصیلاً توجه شورای دوات قرارینه مستنداً سبق
ایدن سالف الذکر ۱۰ مایس سنه ۳۰۶ تاریخی تبلیغات
عمومیه به توفیق معامله اولنق مقتضی کورندیکی
انجمن مذکورندن افاده اولوجهله نظارت مشارالیهان
مذکور مفتشکلک تبلیغ ماده قلمشدر.

محاکمات و مقررات

اطنه ولایتی مرکز تجارت محکمه سی رئیس اسبق
قسطی افندینک اوراق انفصالیه ومدافعه نامه سی
انجمن انتخاب مأمورین عدلیه جه لدی التدقیق جواز
استخدامنه قرار ویرلشدر.

استرومچلی باندله ولد تیجه نی قتل ایلدکری
ادعا اولنسنندن دولای جنایتله اتهام اولنان طویران
قضالی اسلام بن علی نک اون بش ورفیقی جمفرک
بش سنه مدتلرله کورکه قونلرینه دائر سلانیک ولایتی
استیناف محکمه سی جزا دائره سندن اعطا قلنان ۷۷
نومرولی اعلام

کولیکسره لی قسطی بی قتل ایلدیکی ادعا اولنسنندن
دولای جنایتله اتهام اولنان عارف بن خلیلک اون
بش سنه مدتلرله کورکه قونلرینه دائر سلانیک ولایتی
استیناف محکمه سی جزا دائره سندن ویریلان ۴۰۶
نومرولی اعلام

شامک قنאות محله سندن امین البدا ابن نک
کیفیت قتلندن دولای جنایتله اتهام اولنان مصطفی بن
یوسف بقاعینک اون بش سنه مدتلرله کورکه قونلرینه دائر
سوریه ولایتی استیناف محکمه سی جزا دائره سندن
ویریلان ۳۹۱ نومرولی اعلام

جسرارکنه لی مانوئل اوغلی اغوبک ضرباً وفاته
سیدیت ویرمسنندن دولای جنایتله اتهام اولنان بخور
ولد کالک بش سنه مدتلرله کورکه قونلرینه دائر ادرنه
ولایتی استیناف محکمه سی جزا دائره سندن ویریلان
۴۰ نومرولی اعلام

سودلیجه ده محمود افا محله سنده کراسته جی حق
افندینک خانه سی قصداً احراقه تصدی ایلدیکی ادعا
اولنسنندن دولای جنایتله اتهام اولنان خدمتچی
عایشه نک اوج سنه مدتلرله کورکه قونلرینه دائر
در سعادت جنایت محکمه سندن اعطا قلنان ۲۰۳
نومرولی اعلام

اشقیایه معاونت ایلدیکی ادعا اولنسنندن دولای
جنایتله اتهام اولنان قسطنطین ولد طانه نک اوج سنه
مدتلرله کورکه قونلرینه دائر سیروز سنجانی بدایت
محکمه سی جزا دائره سندن ویریلان ۸۶ نومرولی
اعلام

رمضان بن علوشک قتل قصدیه جرح اولنسنندن
دولای جنایتله اتهام اولنان حاجی بن علوشک اوج
سنه مدتلرله کورکه قونلرینه دائر برات سنجانی بدایت
محکمه سی جزا دائره سندن ویریلان ۶۳ نومرولی
اعلام

قوجانه قضاسی اهالیسنندن مصطفای جرح
ایلدیکی ادعا اولنسنندن دولای جنایتله اتهام اولنان
مصطفی بن یحیانک اوج سنه مدتلرله کورکه قونلرینه دائر
قوصوه ولایتی استیناف محکمه سی جزا دائره سندن
ویریلان ۲۰۵ نومرولی اعلام

شعبان بن حسنی قتل قصدیه جرح ایلدکری
ادعا اولنسنندن دولای جنایتله اتهام اولنان ادریس
ایله عازمک اوجر سنه مدتلرله کورکه قونلرینه دائر
پرشته سنجانی بدایت محکمه سی جزا دائره سندن

وریلان ۴۹۲ نومروی اعلام حکمة تیز جزا
دائرة سنجہ تصدیق اولئشدر .

۳۹۲ نومروی نسخہ مدراج در سعادت
جنایت محکمه سی اعلامنک بقیه سی :

واقع اولان استیضاح اوزرینه طرفنک توسیع
تحقیقاته متعلق طلبری اولدینی اکلانقله تحقیقاتک
یوندن عبارت اولدینی بیان ایدلکده معاون
مومی ایه متهم یوسفک بالنازعہ قهرمانی جرح
و قتل ایتدیکی شاهدلرک شهادتی وراپور مندرجانی
و کندوسنک منازعه بی مقر اولسی دلالاتی ایه ثابت
اولمده ایدوکندن مرقومک اولوجهلہ مجرمیتہ قرار
اعطاسنی طلب وادعا ایدلی .

وکیل مدافع دخی موکلی علیہندہ استماع فلان شهادتدن
انسانی وقعہدرہ رشخص ثالثک دخی موجود اولدینک
اکلاشلیمسندن و متهمک قائلی بیخانی شخص مرقومک
قبول اتمنی عقلاً بعد اولمسندن طولانی اشبو جرح
و قتل کیفیتک هیتی مجهول قالان مرقوم شخص
طرفندن ایضاح ایدلش اولسنک عقلہ قریب ایدوکنی
و چونکہ موکلندہ نہ آثار دم و نہ دہ آلت جرح بولنامش
و هیچ بر رفیقک دملی بیخانی الوب قاجق فدا کارلندہ
بولنسی قبول اولتور مواددن کورلماش ایدوکندن
شخص ثالث مذکورک فعل مدعا بی ایضاح ایدرک
صاوشمش اولسی مظنونیتہ و متهم یوسفک بوقعدہ
علاقہ دار اولدینسہ دائر اولان احوالک ضعیفیتہ
قارشو مجرمیتہ حکم ایچون غیر کافی بولندینی بال بیان
موکلک برائتہ قرار اعطاسنی طلب واستدعا و متهم
دخی بر دیه چکی اولدینقی بیان و انبا ایتمارلہ محاکمہ نک
اختتامی بالافہام مذاکرہ اولمہ سہ کیدلدی .

تفصیلات مبسوطہدن مستفاد اولدینی وجهلہ
معاون مومی ایه طرفندن متهم یوسفک بالتهور
قهرمانی جرح و قتل ایتک جرمیلہ تخریمنہ دائر
وقوعولان مطالعہ و وکیل مدافع جانبدن دخی
متهمک برائتی طلبہ متفرع مدافعہ واقعہ نظر دقتہ
الہرق بالجللہ اوراق تحقیقیہ وضوابط موجودہ وضع
موضع تدقیق و اساس دعوی خلاصہ و کیفیت تعمیق
اولنہرق ایجابی مذاکرہ ایدلکده متهم یوسفک
متوفی قهرمان ایه منازعہ ایتش ایسہدہ مرقومی
جرح و قتل ایتدیکنی سولسندہ قارشو متهم مرقومک
مقتول قهرمان ایه رفعتک غازیوسنی اوکنده منازعہ
ایتدیکنی و یانلرندہ بولان طایفیدینی شخص طرفندن
تفریق ایدلکدرنی معقب تکرار شمسہ ایه مقتول
مرقومی ضرب ایتدیکنی و مقتول قهرمانک هجوم

ایدوکنی و مجرم مرقوم دخی دیه چکی اولدینقی ادعا
واقادہ ایتلرلہ بوجہتہ عائد محاکمہ نک دخی رسیدہ
حد ختام اولدینی بالتفہیم تکرار مذاکرہ اولمہ سہ
کندلی .

مجرم یوسفک جہت جزائیہ سی حقندہ دخی
مذاکرہ کیفیت اولندقدہ مرقومک حرکی قانون
جزانک یوز یتش دردنجی مادہ سنک فقرہ اولاسنہ
موافق اولدینندن فقرہ مذکورہ : دو یکسہ من غیر
تعمد رشخصی اتلاف ایتش ایسہ اون بش سنہ
مدتلہ کورکدہ وضع اولتور . دو محرر اولدینندن اشبو
فقرہ قانونیہ حکمتہ توقفاً و ابتدای توقیفی اولان
اوچوز یکرمی ایکی سنہ سی صفرینک برنجی کونندن
اعتباراً اون بش سنہ مدتلہ کورکدہ قولسندہ و مصارف
محاکمہ اولان جماعاً یوز اتش غروشک دخی مجرم
مرقومدن تحصیلہ عدلیہ و زمنہ تسلیم ایتدیرلسنہ
اوچوز یکرمی سنہ سی ابولونک یکرمی برنجی کونی
وجاہاً و متفقاً قرار و بریلرک اصول تفہیمی اجرا
قلندی .

علقو ولد یورکینک فسقچی خرملیونی جرح
ایدیکی ثابت اولہمدینندن برائتہ
عزیز بن حسینک محمد بن محمودی ضرب و جرح
ایدیکی ثابت اولہمدینندن برائتہ
سالمک عائشہ خانی ضرب ایدلیکی ثابت اولہمد
ینندن برائتہ

ابراہیم بن مصطفانک حسین بن علی بی ضرب
ایدیکی اکلاشلیمدینندن برائتہ
خفاف حق افندینک بقال بدوسی ضرب ایدلیکی
ثابت اولہمدینندن برائتہ
محمدک عصمت خانی ضرب ایتدیکی ثابت اولہ
مدینندن برائتہ

سراج مصطفی بن قدیرک مصطفانی جرح ایدلیکی
تحقق ایدہمدینندن برائتہ
یحیی بن عبدالرحمانک زکریانک اچہسنی سرقت
ایدیکی اکلاشلیمدینندن برائتہ

یونان دولتی تہمسندن قسطنینک قوجونی ضرب
ایدیکی ثابت اولہمدینندن برائتہ
مصطفی بن حسینک مصطفی بن احمادی ضرب
و جرح ایدلیکی اصولاً ثابت اولدینندن برہفتہ مدتلہ
حبسنہ

یکدیگری ضرب و جرح ایتدیگری ثابت اولان
سعید بن ابراہیمک یکرمی کون حبسنہ و سبیلہ
خاتوندن بر آتئون الہرق ابراہیمہ اعطاسنہ
شریفہ بنت حسنک فکریہ بنت ابراہیمک الماس

مدالیوتی سرقت ایدلیکی ثابت اولدینندن اوچ آی
حبسنہ

موسی بن نورینک نوری بن محمدی ضرب ایتدیکی
ثابت اولدینندن بش بشلک جزای نقدی آلمسنہ
طومہ نک قوجونی ضرب ایدلیکی ثابت اولدینندن
برلیرا الہرق قوجوبہ اعطاسنہ
مصطفانک ملازم و نصف افندی بی ضرب ایتدیکی
ثابت اولمہلہ برہفتہ حبسنہ
نیقوسولی ولد طوطینک اجرای وظیفہ حالندہ
یولیس خیرالدین افندی بی تحقیر ایدلیکی ثابت اولہ
ینندن برلیرا جزای نقدی آلمسنہ

طناشک اموال منقولہ سہ ایراث خسار ایدن
طاطا اولدہ اجزای زقاغندہ ساکن نیقولیدن اون
بشلک جزای نقدی اخذینہ

طونخاندہ کورچی زقاغندہ مقیم پشاپوطک
صرافیی جرح ایدلیکی ثابت اولدینندن اوچ آی
حبسنہ
یونان دولتی تہمسندن طناشاکینک بانولیہ اطالہ
لسان ایدلیکی ثابت اولدینندن یارم ایرا جزای نقدی
آلمسنہ

یونان دولتی تہمسندن یاولینک ایضای وظیفہ
حالدہ یولیس خلیل ابراہیم افندی بہ حقارت ایدلیکی
ثابت اولدینندن برلیرا جزای نقدی آلمسنہ
یونان دولتی تہمسندن یورکینک خلاف تنبیہ
محله آرمسندہ روولور انداخت ایدلیکی ثابت اولدینندن
اوچ بشلک جزای نقدی اخذیلہ یکرمی درت ساعت
حبسنہ

حال یوسفک یشار افانک لیلا دکانندن
نجیرہ سرقت ایدلیکی ثابت اولدینندن طقوز آی
حبسنہ

ارن کوبندہ ساکن سالم افانک زوجہ سی خرم
قادیی ضرب و جرح ایدلیکی ثابت اولدینندن برلیرا
الہرق مضروبہ و برلسنہ
مصطفانک علی و مصطفی اغارلک لیلا اولمہ لر بی
اناختارلہ آچہرق اشیلر بی سرقت ایدلیکی ثابت اولہ
ینندن آلی آی حبسنہ

اسکداردہ ساکنہ کلزار قادیینک رقیہ خانی
ضرب ایدلیکی ثابت اولدینندن برلیرا الہرق مضروبہ
اعطاسنہ

سلامسزده ساکن ارامک اراق قادیی ضرب
ایدرک قبوسنی قیردینی ثابت اولدینندن اون کون
حبسنہ

زنجی عثمانک اجرای وظیفہ حالندہ و قرہ غولخانہ
دروندہ یولیس قومیسری محمد افندی بہ حقارت
ایدلیکی ثابت اولدینندن یکرمی کون حبسنہ

زاخاریانک اموال منقولہ سہ ایراث خسار ایدن
چالغیجی واسیل ایلہ قوندرہ چی واسیلدن اوزر بشلک
جزای نقدی آلمسنہ و خسار بدلی اولان اتش
غروشک دخی تضمینہ

آتیقہ نک مانیو قادیی ضرب ایدلیکی ثابت
اولدینندن ایکی ایرا الہرق مضروبہ اعطاسنہ
حاجی احمدک ساعتی اخذ و سرقت ایدلیکی
اقراریلہ ثابت اولان یاقونک صفرسنی حبیلہ ابوینہ
تسلیمنہ

حسن بی جرح ایدن مصطفانک یکرمی کون
حبسنہ
انسطاشینی ضرب و خانہ سنی طاشلادینی ثابت
اولان علقودن بریچی ایرا الہرق مضروبہ اعطاسنہ
ویچنک یونان دولتی تہمسندن خرستونی ضرب
ایدلیکی ثابت اولدینندن برہفتہ حبسنہ

کورکیار ایچندہ ساکن تاجاردن یانینک ایکبوز
اوتوز لیراسنی کتم ایلہ امنیتی سوه استعمال ایتدیکی
ثابت اولان فیروز اغادہ مقیم دیمترینک برسنہ حبسنہ
و مذکور ایکبوز اوتوز لیرانک بالتحصیل یانی بہ
اعادہ سہ و ربی اولان الی بدی لیرانکدہ جزای
نقدی اولہرق تحصیلنہ

عزت و رشیدی افندیلرلہ مقبولہ و محمودہ خانملرہ
اطالہ لسان ایدن قاسم باشادہ ساکن نافعہ خانمدن
یارم ایرا جزای نقدی اخذینہ

آرابہ چی جلالک عثمانی جرح ایدلیکی ثابت
اولدینندن برلیرا الہرق مجروحہ اعطاسنہ

سینم کوبندہ یولیس یوسف و علی افندیلرک
اجرای مأموریت حالندہ خرستونی ضرب ایدلکری
ثابت اولدینندن اوز کون حبسلرینہ

سمسار یورکی ضرب ایدن سند و تجیلرہ ساکن
قسطنینک برہفتہ حبسنہ

یولیس محمد افندی بہ اجرای مأموریت حالندہ
حقارت ایدن ایتالیالی ماقسیمدن برلیرا جزای نقدی
آلمسنہ

والدہ سی شریفہ خانی ضرب ایدن قندقلیدہ
ساکنہ حسنا خانمدن اوچ ایرا الہرق مضروبہ
و برلسنہ

احمدک یاقوبی ضرب و جرح ایدلیکی ثابت
اولدینندن برہفتہ حبسنہ

حسینک واحدی ضرب ایدلیکی ثابت اولدینندن
بریچی ایرا الہرق مضروبہ و برلسنہ

حسن چاوشک عثمان اطالہ لسان ایدلیکی ثابت
اولدینندن برلیرا جزای نقدی اخذینہ

قوزمہ نک و انکیلی ضرب ایدلیکی ثابت اولدینندن
برلیرا الہرق مضروبہ و برلسنہ

میخالک طودوریی ضرب ایتدیکی ثابت
اولدینندن برہفتہ حبسنہ

مصطفانک احمدہ اطالہ لسان ایدلیکی واحدک
دخی مصطفای ضرب و جرح ایدلیکی ثابت اولدینندن
احمدک اویشکون و مصطفانک دخی اوچ کون حبسلرینہ
آت بازارندہ ساکن مصطفانک اسماعیلی ضرب
و جرح ایدلیکی ثابت اولدینندن برہفتہ حبسنہ

عادل افندی ایلہ دیمترینک مضاربہ ایدلکری
ثابت اولدینندن برہفتہ حبسلرینہ

بحر بہ ملازم لردن فائق افندینک مصطفای آغانی
قرہ غولخانہ دروندہ ضرب ایدلیکی ثابت اولدینندن
بریچی آی حبسنہ

مصطفی اوستہ نک حسنی ضرب و جرح ایدلیکی
ثابت اولدینندن اون کون حبسنہ

یکی محلہدہ ساکن طناشک سائینک قادیی ضرب
ایدلیکی ثابت اولدینندن برہفتہ حبسنہ

قاضی کوبندہ ساکن اوخالس افندینک حاقانوش
قادیینک خانہ سہ جبراً بالذخول مزبورہ نک اشیا سنی
طیشاری آندینی ثابت اولدینندن اوچ آی حبسنہ

قومیسر سلیمان افندی ایلہ ژاندارمہ مصطفی
آغانک یورکی ضرب ایدلکری مرقوم یورکینکدہ
مرقومانی تحقیر ایدلیکی ثابت اولدینندن برہفتہ
حبسلرینہ

سلیمان آغا محلہسندہ ساکن محی الدین ایلہ شفیقہ
و فیروزہ نک مضاربہ ایدلکری ثابت اولدینندن برہفتہ
حبسلرینہ

اسب بازارندہ ساکن حسینک ابراہیمی ضرب
و یشار ایلہ مضاربہ ایدلکری ثابت اولدینندن حسینک
اون بش کون و یشارک برہفتہ حبسلرینہ

اسکدارلی نافعہ خانمک خلیل افندی بہ اطالہ
لسان ایدلیکی ثابت اولدینندن برلیرا جزای نقدی
آلمسنہ

عثمان افندینک خرستونی ضرب ایدلیکی ثابت
اولدینندن برلیرا الہرق مضروبہ و برلسنہ

قومیسر محمد افندینک احمد افندی بہ اطالہ لسان
ایدلیکی ثابت اولدینندن بش کون حبسنہ

کورقاندہ ساکن عثمانک حاجی حسنی افندینک
خانہ سندن قورشون پوری سرقت ایدلیکی ثابت
اولدینندن اوچ آی حبسنہ و ختام مدندہ ضابطہ جہ
کفالتہ ربطہ

چقہ خانلرہ ساکن عثمانک اسماعیلی ضرب
ایدلیکی ثابت اولدینندن برہفتہ حبسنہ

کیفورق و قسطنینک مضاربہ ایدلکری ثابت
اولدینندن کیفورقک اون کون و قسطنینک برہفتہ
حبسلرینہ

علی و محمدک مضاربہ ابتدکاری و بونلردن محمدک
علی به تشریح سلاح ایلدیک ثابت اولدیغندن محمدک
بر بچق آئی و علی نک برهفته حبسارینه
احمد افندیگ حسن ضربه ایلدیک ثابت اولدیغندن
بر لیرا الهرق مضروبہ اعطاسنه
احمد جلال الدین بکک اجرای مأموریت حالنده
بولیس عرفان افندی بی ضرب و حقارت ایلدیک
ثابت اولدیغندن الی آئی حبسنه
احسان بن طاهرک قلاچی قسطنطینی ضرب
و جرج ایلدیک ثابت اولدیغندن بر آئی حبسنه و بر لیرا
الهرق مدعی به اعطاسنه
کاملک بالطوسی سرقق ایدن غلطده ساکن
یونانی یورکینک اوج آئی حبسنه و ختام مدت جزائیہ
سندہ ضابطه جه کفالتہ ربطنه
خمیرکار عبداللہک یتاغی دولاندران قاسم پاشاده
ساکن قزغانچی کاظمک اوج آئی حبسنه و بر لیرا
جزای نقدی آلمسنه
یاشوہنک اموال منقولہ سنہ ایراث خسار ایدن
قلاچی باغچه سنده ساکن نسیمدن اون بش بشلک
جزای نقدی اخذینہ
حسن بن غفارک بدندہ قحاق توتون ظهورایتدیک
ثابت اولدیغندن قرق غروش جزای نقدی اخذینہ
در سعادت ، بک اوغلی و اسکدار بدایت محکمہ لری
جزا دائرہ لرنجه قرار و برلشدر .

اعلانایات

نجات بحریہ محکمہ سنده :

قاضی قریه سنده حمام زقاغنده کائن دکاننده مقیم
بقال یورکی پایینک ۲۱ تموز سنہ ۳۲۱ تاریخندن اعتباراً
اعلان افلاسنه و مصالح افلاسیه نک رؤیت و تسویه سی
ضمننده اعضا ملازمی عزتلو اسماعیل بکک
ژوز قومیسر و دعوی وکیللرندن آپوستولا کی زامپه
اوغلی افندیگ موقت سندیک تعینلرینه و مغازه سیله
اشیای زانده بیتیه سنک تمهیرینه و اوراق و دفاترینک
جلبنه و کفالت ارانه ایدمه مدیک تقدیرده حبس و توقیفنه
و بوبابده کی قرارک موقه اجراسنه تجارت بحریه
محکمہ سندن قرار و برلش اولدیغندن قانوننامه تجارتک
۱۷۰ نجی ماده سی موجبجه دائمی سندیکلر انتخاب
اولنق اوزره کله جک اغستوسک دردنجی پنجشنبه کونی
ساعت یدی راده لرنده اصحاب مطلوبک محکمہ
مذکورہ نک مصالح افلاسیه رؤیتنه مخصوص اوطه سنه
کلری اعلان اولنور .

ایکنجی نجات محکمہ سنده :

در سعادتده کراسه جیلرده ۵۲۵ نومرولی مغازده
مقیم شیاق و عبا ترزیسی کریاقو ولد کریاقونک
۱۹ تموز ۳۲۱ تاریخندن اعتباراً اعلان افلاسنه
و مصالح افلاسیه نک رؤیت و تسویه سی ضمننده اعضا
ملازمی عزتلو یاقو افندیگ ژوز قومیسر و دعوی
وکیللرندن میخالاک نیقولانییدی افندیگ موقت
سندیک تعینلرینه و مغازه سیله اشیای زانده بیتیه سنک
تمهیرینه و اوراق و دفاترینک جلبنه و کندوسنک کفالتہ
ربطنه و بوبابده کی قرارک موقه اجراسنه ایکنجی
تجارت محکمہ سندن قرار و برلش اولدیغندن قانوننامه
تجارتک ۱۷۰ نجی ماده سی موجبجه دائمی سندیکلر
انتخاب اولنق اوزره ۱۳۲۱ سنه سی اغستوسنک
سکزننجی بازار ایرتسی کونی ساعت الی راده لرنده
اصحاب مطلوبک محکمہ مذکورہ نک مصالح افلاسیه
رؤیتنه مخصوص اوطه سنه کلری اعلان اولنور .

غلطده طوپخانه ده مغازده سنده مقیم حطب و کور
تجارتندن خاجیک کورجیانک ۲۳ تموز سنہ ۳۲۱
تاریخندن اعتباراً اعلان افلاسنه و مصالح افلاسیه نک
رؤیت و تسویه سی ضمننده اعضا محکمہ دن سعادتو
علی رشدی افندیگ ژوز قومیسر و دعوی وکیللرندن
یوسف کال و مارکو آروشل افندیگ موقت سندیک
تعینلرینه و مغازه سیله اشیای زانده بیتیه سنک تمهیرینه
و اوراق و دفاترینک جلبنه و کفالت معتبره مصدقه
ارانه ایدمه مدیک تقدیرده حبس و توقیفنه و بوبابده کی
قرارک موقه اجراسنه ایکنجی تجارت محکمہ سندن
قرار و برلش اولدیغندن قانوننامه تجارتک ۱۷۰ نجی
ماده سی موجبجه دائمی سندیکلر انتخاب اولنق اوزره
۳۲۱ سنه سی اغستوسنک التجی جمع ایرتسی کونی
ساعت یدی راده لرنده اصحاب مطلوبک محکمہ
مذکورہ نک مصالح افلاسیه رؤیتنه مخصوص اوطه سنه
کلری اعلان اولنور .

قاضی کوبنده چارشو ایچنده کائن مغازده سنده
اجرای تجارت ایتمکده ایکن ایکنجی محکمہ تجارتندن
افلاسنه حکم اولنمش اولان استلیو طومایدیسیک
خصوصات افلاسیه سنک رؤیت و تسویه سی ضمننده
دعوی وکیللرندن صادق افندی ایلہ مکتب حقوق
شاهانه مأذونلردن خالد بک اصالة سندیک تعین
قلنمش اولدقلرندن مفلس مرقوم ذمتده آله جنی
اولانلرک قانوننامه تجارتک ۱۹۹ و ۲۰۰ نجی ماده
لری موجبجه تحقیق دیون ایچون تاریخ اعلانندن اعتباراً
یکرمی برکون ظرفده سنداتی محکمہ کاتبنه تسلیم

ایلملری ومدت مذکورہ ختامندن صکره اوج کونده
یعنی ۳۲۱ سنه سی اغستوسنک اون التجی صالی ،
اون یدنجی چهارشنبه و اون سکزننجی پنجشنبه
کونلری ایکنجی محکمہ تجارتک مصالح افلاسیه رؤیتنه
مخصوص اوطه سنه کله رک سندیک افندیلر مواجهه سنده
آله جقلرینی اثبات و قید و تصدیق ایتدیرملری ومدت
مذکورده اثبات وجود ایدمه میان آله جقلولر حقنده
قانون مذکورک ۲۱۰ نجی ماده سنه توفیقاً ایفای
معامله اولنه جنی اعلان اولنور .

اسکدار بدایت محکمہ سی امره دائره سنده :

وانکل ولد یانینک قوزغنجقده ساکن چین
اوغلی بنایوط و برادری یورکی ولد دیمتری ذمتده
با اعلام آله جنی بولنان مبالغک تأمین استیفاسی
ضمننده محکمہ جه حجز آلتنه آلتان قوزغنجقده
آرنبود محله سنده واقع ۲ و ۵ نومرولی تخمیناً بش
بیک اوتوز ذراعندن عبارت اولوب برطرفی استراطی
و خرستوموسک خانسی و دیگر طرفی متوفی یاقونک
خانسی و اوک طرفی بنایوط و یورکینک محجوز خانلری
و آرقه طرفی قوج زقاغی جاده سیله محدود دروننده
اشجار مشمره بی حاوی بولنان برقطه عرصه نک
اوج حصه ده ایکی حصه شایعه لری وینه محل
مذکورده قوج زقاغنده اوج نومرولی و تخمیناً بیک
طقوز بوزالتش بر ذراعندن عبارت اولوب برطرفی مظلوم
بکک خانسی و دیگر طرفی پاپاس اوغلینک خانه
و عرصه سی و آرقه طرفی ادم بکک خانه و باغچه دیواری
و اوک طرفی قوج زقاغیله جاده سی و طرف رابی طریق
عام ایله محدود بولنان برقطه عرصه نک کذلک ایکی حصه
شایعه لری وینه محل مذکورده آرنبود زقاغنده اوتوز
ایکی نومرو ایله مرقم اولوب برطرفی چومار قوویچک منزل
و باغچه سی و دیگر طرفی متوفی یاقو عرصه سی وینه
برطرفی پاپاس اوغلینک منزلیله بعضاً مدیونک عرصه سی
و طرف رابی طریق عام ایله محدود و تخمیناً ایکویز
یتش ایکی ذراع عرصه اوزرینه انشایدلش بولنان بر باب
اخشاب خانه نک اوست قاتنده اوج اوطه و بر صوفه
اورته قاده بر صوفه و بر بوکک و آلت قاده بر مطبخ
و بر مرمر طاشلیق و بر قیو و تخمیناً یتش آرشون
باغچه بی حاوی خانه نک اوج حصه اعتباریله ایکی حصه
شایعه لری نک تاریخ اعلانندن اعتباراً اون بش کون صکره
بالمزایدہ فروخته تشبث اولنه جنی اسکدار بدایت
محکمہ سی اجرا دائره سندن اعلان اولنور .